

ارواح للبيع
هبة عتيم

اسم الكتاب : أرواح للبيع

اسم الكاتب : هبة عتيم

رقم الإيداع :

الترقيم الدولي :

الطبعة الأولى : ٢٠١٥

مراجعة لغوية ، وإخراج : زحمة كتاب

غلاف الديوان :

صادر عن : مؤسسة زحمة كُتَّاب للثقافة والنشر

١٥ ش السباق - مول الميريلاند - مصر الجديدة



www.za7ma-kotab.com



www.facebook.com/za7ma



www.facebook.com/za7makotab




za7ma-kotab@hotmail.com

© جميع حقوق الطبع والنشر محفوظة

لمؤسسة زحمة كُتَّاب للثقافة والنشر

المشهرة قانوناً بسجل تجاريّ رقم / ٨٤٤٨٦



مؤسسة زحمة كُتَّاب للثقافة والنشر

(يا احلي حورية م الجنة)

كل تجعيدة ف ملامحك
ساندة حيطه م الحيطان
كل شعرة بيضا منك
مالية كل البيت حنان
ازاي بقا معشقتك سنك
و انتي خلدك دار امان
وما زلتي كما كنتي
جوه عنيا بالفستان
شايفك اميرة من ديزني
مابيعديش عليها زمان
شايف وشي ف ملامحك
شايف عمري ف عيونك
سامع دقتي ف نبضك
و مداري من بكرة ف جفونك

فلو ترضي معاليكي

بليل احكي حدوته

و اشوف تمثلها ف عنيكي

و الصبح اهديكي بالونه

وبعد الضهر غزل بنات

ف تتضحكي و ف نن عيني تشوفي الغمازات

يا احلى حورية م الجنه

في صورة بنت من حوا

في طبعة وشم بالحنه

في صوت فيروز لما غنا

(عن عين بضحك سندرلا)

عن عين بضحكة سندرلا
و صوت بخفة شريهان
عن اللي صام و قام و صلي
و دعا بوصالك من زمان
اغزلي شعرك ضفاير
و اعقدي اخر الضفيره بخصله مني
و افتحى كل الستاير
و انفخى في الناي و غنى
و اصرخى في الكون يكون لك
و اضحكي تطرح ورودك
و افرحي يسعد صباحك
تحلى بيكي الدنيا ليا

(انا اسف جدا)

انا اسف جدا انا همشي
علشان معرفتش اوفي بوعد
انا اسف جدا يا حبيبتي
حكايتنا متاهه بشارع سد
لو لعبه في يوم انا هكسر ها
مش هبكي عليها ولا تلومني
ولا تطلع في منامي تزورني
ولا تقلب حلمي يبقي كابوس
ده انا كنت فاكرك بحجاره
هكسر ها يوم لما ابقى اعوذ
فلو كان لابد او يجوز
اللعبة تصبح فيها روح
اختار تكون اراجوز
و تقول بصوتي يلا روح

| ارواح للبيع – هبة عتيق

او ماريولت

تقول عشقت

متشلىش همي

العب بغيري

وهي بترقص من السعاده

فسيب ايديا تموت زياده .

(متكسرة)

متكسره

بقايا روح متلصمه

حبة ضلوع متلصمه

وخذ بالدمع ارتوي

وعين عاشقه للعمما

وعمر راح في السرسبه

ده لاني كنت مصدقة

الوعد في البرد بدفا

وحضن الكفوف و السهته

ولاني طبعا مش هعيش العمر كله مغفله

فكيت خشب السفينه اللي شايل حلمي

وعملت منه تابوت

ودفنت فيه البكا

علي ناس يارتها تموت

| ارواح للبيع – هبة عتيق

ولميت الازاز م الارض
وعملت مرايه فيها شروخ
وبطلت السهر علي حد
عشان الصبح لما بدوخ
وشربت سم العسل
و خلقت منه حياه
وبدات بكره بامل
اني اتولدت معاه
وغيرت اللي فيا اتعشق
وحبيت اللي اتسبت لولاه
فعشان حبيت شعري الطويل
قصيته
وعشان عشقت سواده حنيته
وعشان كسرت ضهري
قويته

(ممكن اقول لجنابك)

ممكن اقول انا لجنابك
و لسعادة حضرتك
ان مزيكة غنايا
هي صوت ضحكك
و ان الف ديوان غزل مش كفاية
لوصف محبتك
وان ورد الدنيا كوم
و الدنيا عندي في وردتك
و اني مش بحط غير برفانك
عشان يعرفو اني علي ذمتك
ولو يكون جبل هموم
يكفيني منك بسمتك
يكفيني دقات قلبك لما ازورك ف المنام
و غيرة كفك علي ايدي م السلام
و خوفك حد يلمحني ف عنيك
فجفئك يغير و يعتبره حرام

(شكرًا يارب)

يومياً قبل ما أنام
تبدأ مأساة حياتي
عيط ونواح تمام
على كل ذكرياتي
وفضلت كده
يوم واتنين وسنه
يمكن مش لاقيه اللي حاسسنى
يمكن مش لاقيه اللي سامعنى
والأكيد ان اصلاً
محدث دلوقتي شايفنى
قررت اسمعلى واحس بيا
اكتبلى واطبطب عليا
اشكلى همومى واقوى بيا

مسكت ورقه وقلم

وقلت هكتب مين ظلم

لقيتنى بكتب انى حاسه الأيام ثقيله

والثانية بتمر ليله

والليالى طويله

لقيتنى بكتب ان عمرى ما كان لى حزن

وان براح الدنيا سجن

وان النور فى عنيا عتمه

وان سواد الليل ده كحله

حتى الأكل علاقتى بيه

يادوبك كده بسلم عليه

أمى دخلت عليا

ايه ياضى عنيا

صاحيه ليه للفجريه

باست دماغى واطمنت انى نمت

وغطتني بالبطانيه

بس رجعت اتعدلت

مسكت قلمى وعلى كل اللى كتبت شطبت

محيت من دماغى فكرة ان الدنيا عايزانى أغور

وقلمى اكعبل فى السطور

من لهفتى وانا بلحق الثانيه

الثانيه اللى كنت بشكى انها بتمر سنه

اهى مش مكفيه

العيب كان منى انا

واللوم كان عليا

أنا اللى كنت مش عايزه أحقق حاجه

مع انى موهوبه وبعرف فى كل حاجه

مع إن من وأنا صغيوره

المس كانت تملى

بتقول عليا شطوره

أمى جمبى صحابى وأخواتى ودراستى حلوة
بكره هكبر وابقا حاجه والدنيا حلوة
ايه ده !! ريقى ناشف ونفسى فى حاجة حلوة
قومت اتوضيت
والفجر صليت
شكيت لربى على كل همى
وقولت زيح يارب عنى
طلعت لأمى وبوست راسها
كلامها كان من الدنيا عبره
ياما قالت وياما عادت
بس الايام بتعلم لبكره
اتفرجت على التليفزيون
انا وأخواتى وست الكون
أول محطة : بنت ماتت برصاصه غدر
ثانى محطة : أم كانت نادره ندر

تشوف المهندس بالشهادة

لاجل ما تدبح عباده

والشهادة تاخذها وتبروزها وتعلقها

لاجل ما تقول ابني فخر ابني دهر ابني عمر

بس الشهادة والمهندس خدهم القطر

المحطة الثالثة : بيت اتعجن

مهو أصله كان لغلابا

وباش من هم الزمن

المحطة الرابعة : احتلال فنون قتال

اغتصاب
شباب شاب
تسيب كلاب

طفل مات وقت فات

أسوار بتعلّى الرب أعلى

الحق راجع آه من المواجه

مسكت ايد أمى بحب

شكرًا يـارب .

(يادى الوحله)

غمض عينيك واسرح

افكارى راح ترمح

قول لى شفت ايه

شفت الموت يا بيه

نفسانى وابصر ايه

اللى بتقول عليه

أنا راجل على قد حالاتى

غموس البيت بجيبه يوماتى

لقمه بمش وفول حراتى

طب واللحمة ؟!

صحه وعافيه على اللى ياكلها

لكن فى دارنا

سم بيهرى جوه بدانا

عايزنى اقول للواد على اللحمة !!

يادى الوحله

عايز لما نفسه ترجع تروحلها

اقوله معيش

أنا يدوبك بجيب العيش

طب والفسحه ؟!

أنا بواب على باب عمارتكم

ليه نسيت الفوله يا بيه

جاي تعالجنى من ايه

أنا الدوا

وأنت اللى فيك الداء

طاب تيجى نسمع سوا

قولى على الأسباب

جاي تسمعنى ليه

وماتقوليش ثواب

هساعدك تحل مشاكلك

طاب ومشاكلك ؟

أنا دكتور نفساني

أراهنك

صح

أنا جاي استقوى بيك

أنت ازاي كده

قولى أبوس إيديك

انا زى الطور بيلف فى ساقيه

مش عارف يرتاح ولا ثانيه

معايا أجيب الغموس

بس لو فى يوم الواد سخن

ماهلاقيش أجيب اللبوس

ماشيه ستر

ماشيه رحمه

كل يوم الدنيا رحمه

لو جسمى وجعنى

ما هحسش

أصلى من الشقا

ما بملش

يوم ما هجهز بنتى وأرفع راسها وسط ناسها

يوم ما هعلم ابنى وأكسى مرتى اللى الهم داسها

يومها بس هرمى نفسى على السرير

يمكن يومها هحس بشقا السنين

هقوم أتوضى وأصلى ركعتين

وهمد كثير .

(سوادك عسل)

يا اللى سوادك عسل
مكسيه ليه بسواد
لاجلك راح البطل
أفرحى ... ده انا أم الواد
يا كل حبة رمل
رواها دم ابني
أنا خايفة أدوس على الأرض
أوجع عضام ابني
يا كل تنهيد طالع من قلبي
يا دمه محبوسه
يا صرخه مكتومه
هقبل عزاك يا ابني
يوم لما أجيب حقك
وعدتني تزورني
ورجعتلى فى كفنك .

(رصاصه غدرت بالضنا)

طب أودى وشى فين من أمه
ده الضنا غالى وده نين عين أمه
أحلفك بالله
ما أنت دايس على الزينات
وان كان لابد الموت
فأنت أولى بالممات
لو ربك يريد
ويدب فيا الروح
كنت ابوس الإيد
واحب على الرجلين
واتوسل للعبيد
وارفض انى اروح
جماد بس قلبى انفطر
على الشاب الزين اللى انقتل

| ارواح للبيع – هبة عتيق

وعشان امه محملانى الأمانة

أكون رصاصه حنينه

وموجعوش

يكون عندى قلب

ومجرحوش

فألدم اللى سال واللى طرطش على الوشوش

دمى أنا

رصاصه غدرت بالضنا

لو كان بايدى كنت اديله الحياة

لكن ادفنت معاه .

(مكانا)

مكانا

ذكريتنا وحلمنا

عمر راح

انتِ احساس اليراح

احساسى بالاحتياج

انتِ حستيه

بكلام قولتيه زمان

قلبي لمستييه

هكونك أم

حضن يضم

قلب كبير هيساعى الهم

ضحكه فى بيت بتزيع الغم

هكونك أب

يشيل الغلب

قلبي هيكونلك وطن

رمشى هيكونلك سكن

بيك اكتفيت

انت احساس الكفايه

انت حدوده في روايه

على الرمله بنينا بيتنا

وكتبنا حدودتنا

عايزه أجيب منك ولد

عايزه تجيبي مني بنت

أنا ليكي صهر وسند

وأنتِ ليا كل ست

شايغه ضفاير بناتنا

شايغه حنية ولادنا

الوقت بيضيع أوام

وانت عندك امتحان

يلا لايونك تنام
عايز أقعد بس حبه
حبه حبه اتنين احبه
حبه نكمل حدوتنا
حبه بس نسمى ولادنا
بس انت لازم تراجع
ملزمتي أنت لما أراجع
لما أنام انت علمي
لما أصحى أنت حلمي
جفني لو يغمض صورتك انت ساكنه مني
انت فكره ساكنه عقلي
قبل نومي وبعد فوقتي
لو نطقت انت صوتي
لو همست انت حسي
بالك انت لو تحسي

كنتِ حسيتي بكيانك جوه منى

كنتِ حسيتي بخيالك هو ضلى

نص من غير نصه ضايح

انتِ احساس اللقا

لطفل كان من أمه ضايح

انتِ احساس الكفايه

انتِ حدوته فى روايه

هى دى كل الحكايه .

(خدي اشترى ارواح)

العبايه فيها رحتك
والحيطان ملياها صورك
والمخدة شاربه نفسك
بموتك البيت حسه مات
حتي العنكبوت معشش في سكات
والعصايه اللي سابها جدي
لجل ما تكونلك عكاز
العجز ساكن ضلوعها
وروحها بقت من ازاز
والتراب راسم ملامحك ع الحيطان
وحشني وقت الاذان
تصلي بينا جماعه
وحشني ضحك زمان
والغنوه والسماعه

تسمع نبضك

دقات قلبك

تحس بوجعك

وتفضح سكاتك

كل ما سالتك تقولي كله تمام

وانا من القلق ما بنام

وحشني ابوس ايدك لجل ما انول الرضا

واقعد تحت رجلك وتدعيلي بالهنا

وحشني صوتك في الخناق

متشربيش القهوه ادمانها داق

واسمعي للست

وماتقعديش ع الزفت

نظرك خلاص راح

ومتزعليش مني

خدي اشترى ارواح

(ايوه بغير)

زعيق و خناق تنهيده طويله

بيطلع بعدها كلمة غيره

احس ساعتها اني اميره

واني ملكت الدنيا بايد

واني غلبته واني كسبته

بعد مكابره وبعد مناهدة

وبعد لماضه وعند شديد

اه بيغير

ثم انا عارفه بقالي كتير

عامله عبيطه وبستهبل

اصله هو عامل تقيل

كل ما يحاول يداري

نن عينه بيفضحه

عاملة مش واخده في بالي

| ارواح للبيع – هبة عتيق

و انا م المراقبه ما برحمه

كل ما يجي في خيالي

ان وحده بتلمحه

احس اني قوام هجري

ومن رقبته انا هذبجه

ايوه بغير

غيرت عليه من نظرة عين

حتى لو بس في خيالي

اصله حمايتي

هو اماني

عارف انت الجدعنه وقت لما تضيق اوي

لما الصوت بيعلى في الخناق و الحضن بيحتوي

انت حاجه في كل حاجه

انت حالة

بعدي عنك استحاله

| ارواح للبيع – هبة عتيق

ساعات كثير تحس حاجة

بس تظهر حاجة تانيه

لاحتوائي و قربي منك

بتعمل الحاجتين في ثانية

(بص فوق كده ع القمر)

بص فوق كده ع القمر

اصله عتمه

لو في يوم طال السهر

انسى المعاد ده

حط لنفسك حلم جديد

وقته اتاخر بس اكيد

ربك شاهد ع التنهيد

مين فينا ما وقعش

وقام تاني

مين فينا ما علاش

ووقع ياني

مين فينا ما فتش على حزنه

من فينا ممرش على فرحه

مين فينا محبش

حتى ولو بينه و بين نفسه

مين فينا متحبش

حتي ولو مش عارف مين حبه

مين فينا مكنلوش صاحب في ابتدائي

عيط علشان يقعد جمبه

(حبه حبه وتاتا تاتا)

حبة حبة

نزيد سزاجه

تاتا تاتا

نزيد عباطه

كموكي يا تمر حنه

و لا ناوية ع الشهاده

و اما نور الشمس يطلع

هتقوللنا اتنين تلاته

و اما ديك الفجر يدن

هتاخدي منه الاستماته

في التباته

و تتدني في نفس المعاد للاقامه

لحد لما الخلق تصحي م الغنتاته

(ومتشعبط في اخر خيط)

ومتشعبط في اخر خيط

وميت م الوجع علي حد

مشالش خياله من ع الحيط

و سابللي حياتي جزر ومد

و سابللي صورته في كتابي

وسابللي الورده في دولابي

و سابللي صوت تسبيحه في دعا الكروان

و سابللي عينه مرسومه بالبن في الفنجان

و سابللي سواد شعره وذن عنيه

وخذ وياه الضحكه بالالوان

الاسم : هبة الله هشام محمد فتحى عتيم .

السن : ٢٠ سنة .

البلد : مصر .

المحافظة : دمياط .

فزت بالمركز الرابع مكرر

الدراسه : تجاره انجلش

ت / ٠١٠٦٥٥٨٨١٢٠

/ ٠٥٧٢٢٧٠٩٥٨

hebaoteem17@gmail.com

بحمد الله

من إصدارات مؤسسة زحمة كُتّاب



الشعر والخاطرة :

- لابس وش : علاء أحمد
- فحشقت مجدداً : أحمد لملوم
- امرؤ الهلس : إسماعيل علي
- إنسان فالصو : محمد الشحات
- فأنت تفاح أخضر : عبد الرحمن حميدة
- ضل ونور : لمياء عامر
- تراتيل عاشقة : شاهنדה الزيات
- ثورة عاشق لم تكتمل : محمد أبو ذكري
- وجع الحنين : هيام الجمل
- أبجدية حب : كواعب البراهمي
- لك الحب : إيمان زايط
- حب في زمن حزين : السيد حسان
- فراغ عاطفي : على نمر
- ضل ونور : لمياء عامر
- هلاليات : عبد الرحمن الهلالي
- الشتاء الأخير : آية على الشاعر
- مني لك : عبلة موسى، خالد غازي

- سكتة حب : عبلة موسى
- خلطة مطبعية : إيهاب الكيلاني
- خارج دواير الانتظار : أحمد رامي عبدالله
- ١/٢ كدر : عثمان عبدالمنعم
- لسه! : رفيدا حسن
- كلمات تروي حكايات : محمد العدلي
- خيال يرتب ألفاظه : د. محمد عبدالله الشيخ
- على ضفاف الزمن مررت بذاكرتي : سهير عبدالله رخامية
- ولي أمل : إسلام عبدالعزيز
- تحيا مصر : خالد غازي

الرواية والقصة القصيرة :

- استربتيز : منة الله رأفت
- الصامتون تحت الأرض : هبة حمدي
- المواجهة الملعونة : محمود شاهين
- العذاب الحلو : سالي غانم
- للأحلام اسم آخر لا نعرفه : محمد صلاح المصري
- طائر في الظلام : إيمان عبد الخالق
- هن : ولاء بيومي
- رجل ضد العالم : سمير زكي
- (HIV) من مذكرات مثلي : علاء أحمد
- للخطايا ثمن : محمد الجعفري

- جريمة أب : حازم خليفة

الكتب المجمعة :

- تيليجرام : شعر
- سيلفي : شعر
- سيجا : شعر
- صف ثاني : شعر
- قلم رصاص : شعر
- ترازين : شعر
- بارانويا : شعر
- بيانولا : قصة قصيرة
- ألوان : قصة قصيرة
- نيكوفيليا : خواطر
- إنسانوبيكيا : شعر وخاطرة وقصة قصيرة

المقال والدراسات :

- مداد في حب الوطن : د.أحمد السعدي
- يا سكر : كريم عمرو، ياسمين التمامي
- كيميا الحب : سارة حسين
- لا مؤاخذه : أحمد مرسي
- مدن مصر المحروسة (حتمية الموضع، إمكانية الزمان) : علي محمود العبادي
- شرائع محرمة : كواعب البراهمي

لطلب إصدارات مؤسسة زحمة كُتّاب للثقافة والنشر،
زوروا مقرها في : ١٥ شارع السباق، مول الميريلاند،
مصر الجديدة، أو زوروا موقعها الإلكتروني لمعرفة
أماكن التوزيع على مستوى الجمهورية، والدول
العربية.

للتواصل :



www.za7ma-kotab.com



www.facebook.com/za7ma




www.facebook.com/za7makotab



za7ma-kotab@hotmail.com



٠١٢٠٥١٠٠٥٩٦



مؤسسة زحمة كُتّاب للثقافة والنشر

زحمة كُتّاب .. القدرة قرار !